

江都縣志

古蹟

寺觀

冢墓

地220015

34

部二

第五册

江都縣志卷之十六

江都縣知縣

五

格

里

修



古蹟

江都為東南勝地，依古以來名蹟夥著，雜見於傳記百家之書。今考其所在，大率皆鞠為茂草，然而荒畦斷隴，兔葵燕麥，千載下猶足令人憑弔歎歔，興懷不已。則追其遺蹟，未嘗不可以脩炯戒，驗盛衰，探討之餘，正非徒思騁遊履云爾。志古蹟。

楚子城

金城史記六國表楚懷王十年城廣陵，陳書

大建五年九月，左衛將軍樊毅克廣陵，楚子城六年正

江都縣志

卷之十六

古蹟

一

月廣陵金城，降舊志云金城即楚子所築外城。按戰國時楚地甚廣，奄有豫州之半。北魏太和中，田益宗納土於魏，魏為立東豫州，治廣陵城在汝南郡。又梁武帝置楚州於汝南郡，治楚城。據此則毅所克者乃汝南之廣陵，其楚子城及金城俱不在江都。然汝南諸縣別無所謂廣陵者，或即是此廣陵，屬汝南治之耳。存以俟考。吳王城，漢書地理志廣陵為吳王濞所都城，周十四里，半水經注云城即吳王濞所築。漢景帝二年徙汝南王非王江都，武帝元狩六年立子胥為江都王，皆都濞城。舊志云廣陵於春秋時已有城，其城仍在邗溝城前左。

傳吳將伐齊北霸中國自廣陵城東南築邗溝其明徵也史記項羽本紀召平爲陳王徇廣陵未能下是廣陵城於秦楚之際故在卽漢書亦第謂廣陵爲潁所都於築城無明文惟水經云城卽潁築或亦修築之謂非創建之謂也按古廣陵城在蜀岡上邗溝城東潁城乃更築於蜀岡之下城自爲二至三國時魏移廣陵郡治淮陰以故城爲邊邑魏主丕登廣陵故城觀兵賦詩而還卽此唐趙嘏廣陵故城詩紅蓮高臺綠遠城城邊春草傍墻生隋家不向此中盡汴水應無東去聲蕪城宋竟陵王誕居廣陵亂後城邑荒墟參軍鮑照作蕪城賦傷之遂名蕪城名勝志謂蕪城卽古邗溝城非

江都縣志

卷之十六 古蹟

二

是宋鮑照蕪城賦瀾迤平原南馳蒼梧漲海北走紫塞雁門拖以漕渠軸以崑岡重江復關之隩四會五達之莊當昔全盛之時車挂轉人駕肩屢閉撲地歌吹沸天葦貨鹽田鎡利銅山才力雄富士馬精研故能侈秦法佚周令劃崇墉劔溝洫圖修世以休命是以版築雉堞之殷井幹烽櫓之勤格高五嶽袤廣三墳醉若斷岸直矗似長雲製磁石以禦衝糊楨壤以飛文觀基局之固護將萬祀而一君出入三代五百餘載竟瓜剖而豆分澤葵依井荒葛罨塗壇羅虺蜺塔闕磨礪木魅山鬼野鼠城狐風嗥雨嘯昏見晨趨饑鷹厲吻寒鴟嚇雛伏魘藏虎乳血餐膚崩榛塞路崢嶸古墟白楊蚤落塞草前衰稜稜霜氣簌簌風威孤蓬自振驚沙坐飛灌莽杳而無際叢薄紛其相依通池旣已夷峻隅又以頽直視千里外唯見起黃埃疑思寂聽心傷已摧若夫藻扇黼帳歌臺舞閣之基璇淵碧樹弋林釣渚之館吳蔡齊秦之聲魚龍爵馬之玩皆熏歛燼滅光沈響絕東都妙姬南國麗人蕙心紈質玉貌絳脣莫不理魂幽石委骨窮塵豈憶同輦之愉樂離宮之苦辛哉天道如何吞恨者多抽琴命操爲蕪城之歌歌曰邊風急兮城上寒井徑滅兮邱隴殘千齡兮萬代共盡兮何言

唐李端詩昔人

登此地邱隴已前悲今日又非昔春風能幾時風吹城  
上樹草沒城邊路城裏月明時精靈自來去 朱劉徹  
詩春草忽更綠荒城陰霧滋風存鮑昭賦秋益宋生悲  
慨想秦兵出傳聞羽檄馳江湖歲將晚空羨逐鴟夷  
嚴羽詩平蕪古堞暮蕭條歸思憑高黯未消京口寒烟  
鴉外滅歷陽秋色鴈邊遙清江水落長疑雨暗浦風多  
欲上潮惆悵此時頻極目江南江北路迢迢 明程格  
蕪城晚望詩木落川原一望開孤城客思轉恣哉帆隨  
斷靄天邊沒烏帶殘陽樹杪來黃葉疎鐘秋寺暝丹楓  
兩岸暮潮迴憑高欲擬參軍賦愁絕西風半草萊 顧  
大猷詩日落蕪城門草沒蕪城路無復鶴歸年時見烏  
棲樹 邵正魁詩城頭古堞摧城下新蕪聚風淒落日  
黃魂斷參軍賦 國朝程徵詩極目郊原雲樹平綠陰  
深處亂啼鶯江山不改千秋色絃管全非舊日聲螢苑  
蒼涼飄白露雷塘寂寞長青葦相逢但識樽前意 古  
休教雪鬢生 元張翥調百字令詞碧天向晚遠雲開  
疑是江南山色渺渺孤鴻殘照外獨上高城望極鳳散  
臺空瑩沈苑廢龍去溝無跡英雄安在千秋恨血凝碧  
我欲攜酒重來佛狸祠下字暗蒼苔石社鼓神雅渾  
不見一片青青薺麥夜月璠枝春風水調肯慰淹留客

江都縣志

卷之十六

古蹟

三

翩然歸去天  
風扶下雙鳥

舊江都縣城水經注云廣陵之江都縣臨江方輿輯要

一城在府西南四十里漢縣治此三國時廢晉太康六  
年復置江左時廢時置唐爲附郭縣故城圯于江明嘉  
靖惟揚志以爲隋城譌

齊寧縣城在府東南六十里南齊永明初置阮昇之南  
兗州記云齊建武五年過艾陵湖水立裘塘屯移縣於  
萬歲村梁中興元年毀

江陽縣城北齊增置江陽郡與廣陵郡並治隋開皇十  
八年改江陽郡爲邗江縣大業初復以邗江縣爲江陽

縣唐初併入江都貞觀十八年長史李藻奏割合瀆渠  
以東九鄉復立焉五代南唐置東都於揚州省江陽入  
廣陵

本化縣城大觀圖經云隋大業十年分江陽又立本化  
縣於郡南半邏合瀆渠城在郡東北一十八里

宋大城揚州舊有大城又有子城亦曰牙城宋名臣言  
行錄云建炎三年知州郭棣築

章臺宮漢書江都王建游章臺宮令四女子乘小船建  
以足踏覆其船四人皆溺二人死又游雷陂使郎二人  
乘小船入波中船覆兩郎溺攀船艦乍浮乍沈建臨觀

江都縣志

卷之十六 古蹟

四

笑樂注云雷陂疑卽雷塘宮莫知所在

隋北宮隋書大業元年勅長史王弘大修江都宮其宮  
有四北宮在茱萸灣後改爲山光寺

臨江宮在楊子津隋離宮也一名楊子宮隋書大業十  
三年二月駕出楊子津幸臨江宮大會賜食

顯福宮隋城外離宮也莫考所在隋書武賁郎將麥孟  
才與武牙郎將錢傑謀糾合恩舊於顯福宮邀擊宇文  
化及

宋徽宗行宮宋靖康元年二月徽宗至揚州吏民乞駐  
蹕時已定議南渡京口乃留后妃諸王於行宮金師退

宇文粹中請行宮賀帝亦回鑾至宮

宋高宗行宮宋中興繫年錄云建炎元年十月丁巳朔高宗幸淮甸戊午隆祐皇后至揚州入城駐於州治名州之正衙曰車駕巡幸駐蹕之門

顯陽殿漢書廣陵厲王胥置酒顯陽殿召太子霸及子女董訾胡生等夜飲鼓瑟歌舞左右更涕泣

凝暉殿隋大業雜記云殿在揚子津臨江宮內大業七年春二月煬帝幸臨江宮百僚集凝暉殿酺戲數日時羽葆初成霜戈花氅羽飾龍旂橫街塞陌二十餘里輝翳雲日前代羽衛無盛於此

江都縣志

卷之十六 古蹟

五

崇元殿

先慶殿

英武殿

應乾殿

文

明殿後改乾元

乾陽殿後改福昌

以上皆南唐殿

並在江都見

元王士黈禁扁

崇政殿宋中興繫年錄云建炎二年八月高宗駐蹕揚州州治策諸郡奏名進士於崇政殿殿蓋借署名之也唐制勅院通鑑唐天復二年以李儼為江淮宣諭使至揚州楊行密建制勅院每有封拜輒以造儼

宋郊壇宋史建炎二年八月高宗駐蹕揚州將祀天南郊命有司築壇於揚州南門外江都縣之東南又名勝志云在法雲寺今從宋史

萬歲樓寰宇記云劉宋徐湛之爲南兖州刺史於城南起萬歲樓以望鍾山又名勝志云何遜於城南起萬歲樓以望鍾山樓下卽萬歲橋唐李益有詩按宋書及南史止云廣陵城舊有高樓湛之更加修葺南望鍾山未嘗有樓名也寰宇記謂爲萬歲樓不知何本至何遜宦蹟未到廣陵辨具後東閣下名勝志之說尤無據且益詩但云萬歲橋邊一送君亦未及樓記志固皆未足傳信也

永寧樓陳書大建十一年正月龍見於南兖州永寧樓側池中

江都縣志

卷之十六

古蹟

六

楊子江樓明萬歷府志云唐置轉運使時建在儀徵縣志則云樓在江都今依縣志編存俟考

唐孫逖詩楊子何年邑雄開作

楚關江連二妃渚雲近八公山驛道青楓外人烟綠嶼間晚來潮正滿幾處落帆還

迎仙樓唐鄭廷誨廣陵雜志云淮南節度使高駢建其黨呂用之以妖術惑駢云神仙好樓居於廨邸跨河爲

迎仙樓斤斧之聲晝夜不絕費數萬緡半歲方就自成至敗竟不一遊扁鐫儼然以致灰燼

唐羅隱詩鸞音鶴信杳難迴鳳駕龍

車早晚來仙境是誰知處所人間空自造樓臺雲侵朱檻應難到蟲網閑窻永不開子細思量成底事露凝風

擺作塵埃

十三樓見宋蘇軾揚州遊賞南柯子詞

詞云山與歌眉歛波同醉眼流

游人都上十三樓道是竹西歌吹古揚州 菰黍連昌歌瓊彝倒玉舟誰家水調唱歌頭聲繞碧山飛去晚雲留

卷書樓北山集云宋建炎二年高宗駐蹕揚州以提點

刑獄公解為尚書省禮部在西北隅卷書樓下 宋程俱寓直詩

三入南宮更白頭夜寒持被卷書樓 那知跼足遍天下投老浮山省舊遊

淮海樓宋州守郭棣即揚州南城為淮海樓高郵陳造

為之賦 賦云娛暇日以登覽今若斯樓之巨麗與簷影於空闊今循雕闌而徙倚目定眎而猶眩今足

佇立而竦聽棲浮靄於朱葢兮遲羲馭於平楚來禽去鴈却畧跼踟而振去兮霧霏器奔蒼聿而在下陵迴漢而攀飛雲兮騫鵬舉之垂天頰萬井而數計兮挹峯磴之橫前吳封楚甸聞列登出而自獻兮納納未慙明霞斷烟訝海門之塊峙兮眇浮玉之一拳演江流之橫界分衣帶之紆餘修鱗之蜿蜒曠莽恢大四向而無際兮

江都縣志

卷之十六 古蹟

七

筵衽席而瞭然我遊武昌載登南樓想元規之遺躅泊典午之清流緬懷仲宣登樓有作顧臨眺之信美終回遑而靡樂孰知夫曠千載而相望巨賢否之俄度惟汾陽公分君和憂功存宗祧身臨邊陲屹控阨之巨防躬熙代之康侯靜鎮榆塞剗為茲樓將歷覽而俯省目所圍之備周深計遠圖寧為觀遊彼擁扇而障塵每解顏而借羞揮旌纛而少弭肅賓僚之濟濟匪晉公之儀曹外郎陳思之程楊應劉疇獲借此玩而勢之隆囁瞰山川而顧指表桑麻中甍宇揭舒畫軸兮對主賓之燕喜借胡牀於末席容霜毛之客子儕氓壓而分惠殿羣英而薦醴浩逸興之漂蕭豁幽懷而憑虛倚北戶以微睇儼柔份之樊廬親色笑於犀塵陪觴詠於晨晡漸依劉之羈樓曾愴惻之不無言休戚於今昔詎劣優之錙銖夫此眾君子之所扳援遇逢之厚幸願餘瀝之巧余者也羌勝集之超然寧飮宴之云計究樂事之攸寓後謫仙而解繼進贖命賦合辭一隊泚吾筆而長吟颯天風之搖袂

中和樓

慶豐樓

涼樓舊志云俱見名勝志宋時建



莫考所在按明萬歷府志載儀徵有中和樓宋嘉定中知州吳機建列屋五十楹南望大江北瞰運河枕河作水閣曰吸川最稱勝境名勝志所謂中和樓者或卽指此前編輯者誤收入江都耳存以俟考

鴈行樓元宋无揚州卽事詩連營驃騎宅重拆鴈行樓

竹西樓元張翥憶維揚詩蜀岡東畔竹西樓十五年前

爛漫遊

江淮勝槩樓在瓜洲鎮明正統十三年侍郎周忱建尚

書王英爲之記

記云正統十三年戊辰冬十月予陞秩尚書赴南京過維揚知府韓侯語予曰

瓜洲江淮勝槩樓工部侍郎周公作也肇工歲丁卯秋踰年而成瓜洲東南大鎮閩浙諸郡與海外番國遣使

江都縣志

卷之十六

古蹟

八

貢獻朝廷差遣使臣暨漕運商旅之舟皆由瓜洲濟江逐利者渡以小舟風濤洶湧多致覆溺公造二巨艦以善舟者載以渡之又屬之民趙珣作石隄瞰出江岸以橫舟登岸者便之然舟無候館或風逆雨暴水湧潮溢行者叢立於隄相視愕然咸有憂色公建樓五楹枕於石隄上闢窓牖中置几榻以處使客貴游之士下通其中爲路其旁以息行旅其後置厨爨以便其飲食凡渡江者過險則止無復憂恐而登樓者可縱目一覽江山之勝遂名樓曰江淮勝槩敬以請記明年己巳今上嗣大寶子走朝賀旣還與巡撫淮甸吏部尚書趙公巡按監察御史蔣公相遇於揚因往鎮江及瓜洲登樓四望大江南來浩渺無際金山峙於中流而京口諸峯羅列如屏障景物之勝舉在目前竊思古之君子善於爲政者凡利民之事大小必爲之三代之時道路津梁舟車館舍賓客之所寄寓舉皆有備周公巡撫南甸經理財賦國用充羨生民安富上下蒙其利凡二十年矣而造舟作樓特餘事耳人大受其惠如此君子哉善於爲政者也時揚之官屬咸在韓侯進曰敢請書以記於樓遂爲之書公名忱字恂如江西吉水人永樂甲申進士以翰林庶吉士擢秋官主事累陞侍郎今拜工部尚書趙

公名新富陽人自工部主事累官至尚書剛直有為

蔣公名誠大庾人縣令陞御史韓侯名弘閩中人

大觀樓在瓜洲鎮南城上明萬歷開江防同知郎如嵩

建 國朝康熙元年江防同知劉藻重建

瓜洲鎮也然有城知斯城之為要地瓜城之東南西北皆具樓櫓也然東南隅別有樓名大觀知斯樓之為勝地余以庚子歲來揚分守茲鎮值兵燹之餘城已頽塌崩圮詢樓所在則僅存故址而已緣城非郡邑歲修無額設故艱於上請或請多弗應以故前此雖知為急務咸歎息而去余至是方申請議修會大司馬中丞林公備兵使者杜公臨江週城閱視則詫曰此要地也為南北一線之咽喉豈直兩淮門戶曷不堅爾城於是具題揚屬捐俸修理余蒙委董是役以孟春之吉鳩工今孟夏竣事城堅完而江防之形勢乃備因謀還斯城之舊觀則莫若大觀樓者蓋長江萬里如帶如縈其上則三山巍峩龍虎之所蟠踞也其下則三江浩瀚奔濤赴海日月之所吞吐沐浴也

江都縣志 卷之十六 古蹟 九

當前澗城諸山屏立筍苗相就如几案間物以至烟嵐晴霞之變現風濤之洶歘雲樹之出沒其勝無不畢萃思昔人作籌邊樓圖山川里道於壁孰若斯樓之不假圖繪指點形勢已在目前或閱樓船試戰士坐論之頃於以消鯨波而致海晏蓋不獨恣其遊覽吟風醉月而已也余初以城工之艱其上請也未計大觀樓之費特自捐俸金為廳三楹廳前作小捲三楹蓋未能建層樓也崇其臺以為之基其規模高闊畧與舊等凡名流題咏彙置於壁以語鎮之紳衿耆老咸悅曰能如是是亦足成勝地矣因鑿石而為之記 王士徵重建瓜洲大觀樓記自苟中郎鎮京口登北固以望三山發縹緲凌雲之歎聞其語想見其地而思褰裳濡足者多矣所謂凌雲亭者在北固多景樓側地既偏隘又傾圯不治予嘗登而歎息之若瓜洲城南隅之大觀樓舊矣至順治十六年海舟入犯燬於火康熙元年防江郡丞劉君以江海多事奉開府監司檄修治城堞增治樓櫓斥堠因慨然規樓舊址經營重創三月而畢役宏麗高明倍於疇昔既落成俾予記之竊嘗考諸傳記潤州當天下精兵處由金陵左顧荆武昌九江右顧則京口自漢末以來皆為豪傑之所必爭兵家所謂如率然首尾相應云

下有事各屯重兵相為犄角而京口尤當南北縮轂襟江帶海號稱北府故守金陵必先京口譬藩籬之衛堂奧也揚潤相距不五十里片帆可達而瓜洲扼其衝隱然為重鎮舊設操江都御史行臺又設江防分府而治近且開都督府增督鎮三營兵將屯守其地與京口都統大軍相望為聲援故守京口必先瓜鎮警手足之捍

城餘孽宵遁江海復寧然猶屢塞督府協力師武臣用命旬月之間恢復京口瓜儀諸所安全者固大而為震赫亦已多矣向使得如君數輩分布江南北修城堞治樓櫓嚴斥堠凡所為綢繆陰雨者無或不至長江天塹寇能飛渡乎哉今海上無事江淮間號稱小息而君猶殷然為苞桑之慮又以其餘重建斯樓以為宴遊嘯詠之地其功德固足多而其風流尤足誌也嗟乎當軍興旁午之際羽檄交馳雖有江山之勝風日之佳遊觀眺聽之美實佐僚屬相顧憂悒若不終日又安能肆其心志而發舒於歌詩文章之間

江都縣志 卷之十六 古蹟

今日戰守備具海波不揚余與君以暇日登斯樓也俯江流望南徐北指廣陵西眺建康山川秀色如可攬擷五州之勢若指諸掌不亦可樂而忘其憂乎余先成七言詩二章君與監司杜公繼作各餞諸石以紀歲月興廢之由杜公諱渙丁亥進士山東濱州人君諱藻遼東蓋州人杜洩閩瓜洲城登大觀樓望京口詩大觀樓外俯嵯嶢江靜魚龍書寂寥北固鐘聲寒出寺南徐草色綠隨潮天臨平瀆疑虛敞人倚危闌欲動搖歎息伊婁河上柳六朝烟雨至今朝 王士徵登大觀樓詩白蘋洲上望南徐高閣如霞切太虛江左名流能坐嘯玉京仙子好樓居吳王城郭秋風裏楚塞帆檣落日餘更向夜涼彈寶瑟三山空翠滿衣裾 又登大觀樓見月懷西樵詩帆影落瓜洲高城四望秋迴颺聞玉笛涼月滿江樓清切三山影流光萬里愁有懷謝希逸江左思悠悠 魏都登大觀樓詩莽莽風蓬送眼迴無端鳥雀夕號哀就此我欲刺船去何人肯與抱琴來登樓景物誰能賦出世漁樵定有才書入青空徒咄咄孤猿獨鶴省徘徊 顧圖河登大觀樓同宋旣庭廣文賦滔滔百頃莽奔馳極北樓開日霽時城打白波三版浸塔當孤島半天支剪江舟楫飛騰疾拜浪豚魚出沒奇我亦登

高能賦者女墻  
片碣好留詩

東閣舊傳揚州有東閣爲梁何遜詠梅之所唐杜甫和  
裴迪詩東閣官梅動詩興還如何遜在揚州宋有假東  
坡名注杜詩者云遜作揚州法曹廨舍有梅一株吟咏  
其下後居洛思之請再任揚州值梅花盛開相對彷徨  
終日明楊慎丹鉛錄云東閣官梅乃新津之地子美以  
裴迪逢蚤梅作詩故引何遜比之非揚州有東閣也遜  
集但有蚤梅詩無揚州梅花詩按遜本傳遜亦未嘗爲  
揚州法曹是時南北分裂洛陽魏地遜爲梁臣何得後  
居洛陽又請再任揚州乎舊志旣引此爲辨然猶謂風

江都縣志

卷之十六

古蹟

七

亭月觀明用揚州事不當因注杜者之妄而並疑其詩  
及閱宋張邦基墨莊漫錄則援據甚明錄云杜詩還如  
何遜在揚州不詳遜在揚州之說以本傳考之梁天監  
中遜爲尚書水部郎南平王引爲賓客掌書記室薦之  
武帝後見別本云南平王爲中權將軍揚州刺史望高  
右戚實曰賢王東閣一開競收揚馬遜詞藝蚤聞故深  
親禮引爲掌文書記室此少陵所謂遜在揚州也但由  
東晉以至梁陳皆以建業爲揚州隋始以廣陵爲揚州  
則遜所在之揚州乃建業耳此說最爲詳確東閣不在  
今之揚州無疑至詩內卻月觀凌風臺揚州亦無此故

蹟劉宋時徐湛之在南兖州所建者祇名月觀風亭未  
加有凌卻字固不得牽強附會竟謂其用揚事也東閣  
沿誤已久未便遂沒其名存之以備參考

元珠閣寰宇記云隋楊子宮有元珠閣

慶雲閣唐張祜遊揚州詩閣想慶雲登

延和閣鄭廷誨廣陵雜志云高駢建延和閣於廳事之  
西高八丈皆飾以珠玉綺牕繡戶殆非人工每旦焚名  
香列異寶以祈王母之降及畢師鐸亂人有登之者於  
藻井垂蓮之上見二十八字云延和高閣上干雲小語  
猶疑太上聞燒盡降真無一事開門迎得畢將軍此近  
江都縣志

卷之十六

古蹟

十一

詩妖也相傳詩爲羅隱作按隱集無此詩

雪薊閣寶祐志云在府治正堂後後移揭於郡圃改閣  
爲亭

蕪城閣建置莫考見明吳國倫詩則亦舊蹟也

吳國倫同王元

美登蕪城閣詩隋堤高閣俯邗溝載酒歡同賦客遊樹  
裏鍾聲山寺午檐前雨色海門秋離宮花鳥都陳迹  
道風沙自古邱二十四橋何處是且乘明月醉揚州

蕪城古臺

宋釋保暹登蕪城古臺詩無處堪高望城邊  
上古臺窮秋人獨立落日鴈空迴地險千峯

出霜嚴萬木摧遲吟  
不能下滿眼是塵埃

孔融臺舊府志云臺在宋手詔亭旁亦名寶鏡巷

煬帝釣臺隋書大業七年二月己未上升釣臺臨楊子

津大宴百僚頒賜各有

大業雜記云煬帝初造釣臺

運石者駕舟至江東岸山下取石壘構釣臺之基忽有

大石如牛十餘自山飛下直入船內如人安置船無傷

損當時咸以為瑞帝又常升釣臺觀魚

楞迦臺

唐李賀玉將遊羅浮登廣陵楞迦臺別羽客詩清遠登高臺見朗縱覽歷濯泉喚仙風於此蕩

靈魄冷光邀遠目百里見海色送雲歸蓬壺望鶴滅青

碧波瀾收日氣天宇回澄寂百越落掌中十洲點空白

身居飛鳥上口詠丹元籍飄此出塵籠想望吹簫客冥

冥人間世歌笑不足惜竭來羅浮巔披雲鍊瓊液謝公

雲岑興可以躡高跡吾

將抱瑤琴絕境縱所適

望江臺在瓜洲鎮宋時完顏亮南侵築臺望江故名見

楊萬里過瓜洲詩注

江都縣志

卷之十六 古蹟

十三

雲山觀宋淳熙間郡守鄭興裔撤玉鈎亭增大之命名

雲山觀後圯寶祐二年賈似道復建於小金山

浮山亭在縣治西禹王廟內相傳禹昔排山鎮水山浮

地中因建廟築亭其上

東陵亭在宜陵鎮後漢書郡國志云廣陵有東陵亭注

引博物志東陵聖母事

澄月亭

懸鏡亭

春江亭寰宇記云三亭皆隋時建

在縣南二十七里楊子宮內

玉鈎亭唐元和中李夷簡鎮淮南於城之西南夕見新

月如鈎因以名亭皇甫湜為之記

唐竇鞏登玉鈎亭奉獻淮南李相公詩西

南城上高高處望月分明似玉鉤朱檻入雲看鳥滅綠  
揚如薺繞江流定知有客懸陳榻從此無人上庾樓今  
日捲簾天氣好不  
勞騎馬看揚州

**楊子津亭**唐吳融題楊子津亭詩楊子江津十四經紀  
行文字編長亭驚人旅鬢斬新白無事海門

依舊青前路莫知霜凜凜故鄉何處鴈冥  
冥可憐不識生離者數點漁帆落暮汀

**碧筠亭**鄭廷誨廣陵雜志云唐高駢鎮淮南立碑刻頌

**迎置碧筠亭**

**延賓亭**五代楊吳時徐知誥以兵入廣陵定亂遂為淮

南節度副使於府署內立亭名曰延賓以待四方之士

**宋齊邱為之記**宋蕪舜欽延賓亭詩亂蟬咽咽柳霏霏  
獨上危樓俯落暉江外山從林下見城

中人向渡頭歸風烟遠近思高遜豺虎縱橫  
歎息機出處兩乖空自撓傷心吾道欲何依

**江都縣志**  
**卷之十六**  
古蹟

**觀風亭**見宋歐陽修于役志志云景祐三年七月至揚

州遇秀才廖倚及子聰飲觀風亭

**遡渚亭**歐陽修于役志云七月在揚州飲遡渚亭會者

集賢校理王君玉大理寺丞許元太常寺太祝唐詔詞

部員外郎蘓儀甫

**迎波亭**在瓜洲鎮宋王令瓜洲迎波亭詩海面清風萬  
里寬偶來如已脫塵關自嗟客世無

虛日却被斜陽占盡山海鳥不來青障靜漁師歸  
去暮江閑從來雲水有期約只待功成是厚顏

**申申亭**宋揚州進士滿涇築王令題滿氏申申亭詩申  
申亭者名自誰河東丈人

身名之方其作亭自休息固欲申暢名其題雖然自奉  
頗優樂豈敢兼忽當世為若日所憂非所及因以遜世

無悶辭丈人疎高喜自適去不限約來無時門無賓僚  
車馬絕室有几杖衣冠歛夜逕行招海月伴晝榻坐與

天雲期春林暄和鳥聲好勝聽俗論相啞啞塵埃縱爾  
得風力卒不到此徒自飛亭前朱朱有冷態亭下白白  
無俗姿好木留存竟見實惡草鋤拔無容笑嘗聞景勝  
未易敵須有大句相參差故吾經年不敢往日望詩老  
力可支偶來為游適已晚花梢尚有春餘遺高哦遶樹  
惜時節拾嚼紅片行透遲回看北林竹萬个寒翠欲起  
凌人感清風時來助氣勢塞甲夜聚言語私方將投閑  
日來此脚踏樹下成交蹊無端塵土又為隔明日跨馬  
西北馳心思夢好定頻  
到不必直俟歸風吹

四柏亭寶祐志云宋元豐中鄒浩為揚州教授著四柏

賦序云廣陵學宮廳舊為夫子廟庭植四柏皆凜凜合

抱後莫究其所淳熙中重建學宮文學掾彭方仍植四

柏於廳事之南因以名亭

宋孔夢斗詠鄒道鄉植四柏詩道鄉採芹暇手植四株柏

相對有正味愛此歲寒格忠言賈奇禍幾削諫臣跡柏亦助道鄉每號風雨夕柏死公不死大名日皦白後人

江都縣志

卷之十六

古蹟

十五

補種之存棠思邵伯亭亭儼相持撐雲空百尺是柏出  
雖晚風致猶古昔我來跋遺芳清坐假一席徘徊意難  
舍猛把闌干拍寄語景行人用意謹勿窄 倪屋次韻  
詩斯文以道重所取不但柏借彼剛特姿昂然見標格  
歲華閱如流蒼髯尚塵跡用畫亦奇士三歎子草夕人  
生運窮達敢愛母頭白洽洽清風間愧死幾侯伯誰歟  
繼遺響高臥樓百尺袖攜萬斛珠一笑俯今昔知心古  
槐樹交蔭上簾席大開多士鑪韶箏辨節拍所養貴所  
用量廣  
滄海窄

南麗亭宋元豐中建在高麗館內詳見後

明月亭

宋孔武仲明月亭詩杳杳蕪城起暮鐘亭亭華月照秋容便疑碧海依墻塹雲水情知滌萬重

羽揮亭宋郭杲穴城作門面水架亭扁曰羽揮

蠹雲亭在南門外瀕河舊名同禮宋紹興間鄭興裔建

嘉定間崔與之易名蠹雲



四望亭寶祐志云在州治南宋崔與之建

手詔亭宋時建在孔融臺旁

江風山月亭在瓜洲鎮東南元揚州路總管熊漢卿別

墅也鎮南王嘗避暑於此

元張翥瓜洲與成居竹王克繩登江風山月亭詩風起西

津斷客艘熊家亭子獨凭高雲移鳥影沉江樹雨帶龍

腥出海濤開闢自天留壯觀登臨惟我老英豪放舟擬

就金山宿一夜清寒襲錦袍國朝魏都追和詩一髮

青天失萬艘峭風落袖迥憑高隔雲飛錦入寒月對海

彈琴清夜濤集響空多宜嘯癖能吟老去尚詩豪祇今

避暑名園地蓼岸秋容認草袍吳綺詩高亭百尺水

之涓盡日千帆過檻遲樹色遠遮司馬渡潮聲直下佛

狸祠江攔海國波濤壯雲入吳天變化奇閑看蛟龍爭

戰罷風來萬

里納涼時

採芹亭盛如梓老學叢談云元揚州路學有採芹亭

江都縣志

卷之十六

古蹟

其

爭春館名勝志云在郡後圃有杏花數十畷唐開元間

太守張宴圃中一株杏令一妓倚其旁立館曰爭春宴

罷夜闌或聞花有歎息聲後日圃為杏邨

水館

唐李紳宿揚州水館詩舟移淺浦參差合橋映晴虹上下連輕櫂過時搖水月遠登繁處隔秋烟却

思海嶠還妻歎近涉江濤更凜然閑倚闌干指星漢尚疑軒蓋在樓船

秋聲館宋陶穀清異錄云余銜命渡淮入廣陵界維舟

野次縱步至一村圃有碧蘆方數畝中隱小室榜曰秋

聲館時甚愛之不知誰氏之別墅意主人亦雅士也

高麗館在南門外宋元豐七年詔京東淮南築高麗館

以待朝貢之使館內有亭名南麗建炎間圯紹興三十

一年向子固重建扁其門曰南浦易其亭曰瞻雲以爲迎餞之所

四并堂宋孔武仲芍藥譜云韓魏公琦於郡圃得金帶圍芍藥四朶分簪王岐公珪王荆公安石陳秀公升之因建四并堂方輿勝覽云韓公建四并堂取良辰美景賞心樂事四者難并之義後圯慶元中趙鞏於郡圃復古名曰杏邨重建堂取韓公舊名兼有柳逕竹陂等景清晝堂在縣治內宋嘉熙間余晦建

康山草堂在新城內東南隅築土爲山構堂其上明正德中康海以救李夢陽坐交劉瑾落職客揚州與客宴

江都縣志

卷之十六

古蹟

七

飲彈琵琶於此董其昌因題之曰康山草堂

明姚思孝詩康山一

簣草萋萋無復豪華似潞西猶有揚州舊時月翠禽飛上玉梅啼 國朝吳嘉紀九月八日飲康山草堂詩山堂不脫草茫茫客子登臨思不窮塞馬偏嘶南郭外籬花只似故園中樽開已見當頭月髮短先驚落帽風座上酒人交最古悲歌何用弔康公 汪楫康山送客詩南望盱江北望秦高邱惜別正殘春浪遊更遠三千里結客猶能十九人繞檻布帆移綠野壓城烟樹隱黃塵尋常只說他鄉好聽到琵琶淚滿巾 又再登康山詩蒼茫烟徑挂藤蘿爲愛秋晴兩度過平野漸看黃葉少草堂依舊白雲多萬家畫棟開朝日半壁高城壓大河漫說江南山色好揚州市上有巖阿 朱彝尊雪霽同周儀部對酒康山詩一簣城隅出千家雪後勻江湖談往事絲竹老斯人不厭尋幽晚惟應對酒頻寒梅意蕭瑟想見武功春 先著詩高處來登嶼不還一邱標勝是康山帆檣隱隱城干雉烟火鱗鱗屋萬間此地名存應客久當時官罷使身閑壯心牢落鷗絃急似覺崆峒有厚顏 程文正詩烟景無多地蒼然曲徑間城邊原帶水屋裏自成山代往人如在才高身早閑琵琶聲已

絕猶有客躋攀 吳綺調小重山詞曲巷深藏別一天  
草堂棲燕子記當年振衣曾此望平川春帆過葉葉帶  
炊烟 牢落有前賢一杯埋照處弄鷓鴣絃  
吾儕失意且流連平生事未許俗人傳

志道堂在西門內維揚書院明嘉靖中巡鹽御史徐遠

卿建湛若水為之銘

銘云志道堂者巡鹽侍御芝南徐君遠卿所建於維揚書院之堂也

以志道名堂示志道也徐君既治甘泉山書院之樓又治維揚書院之堂何居曰兼以惠教夫維揚之多士也若欲藏修以致密則於居維揚焉若欲游息以廣大則於居甘泉山焉凡以為道也夫道者天之理也人之路也舍正理是自失其正路失其正路者自賊者也夫理一而已矣以其原於天則謂之命以其性命之主宰則謂之心以其心之生理則謂之性以其循性之所發而由之則謂之道道即理也以其理出於天之所為則謂之天理知天之理則知道矣知而弗去確乎而不可奪則謂之志語曰匹夫不可奪志夫不可奪者乃志也可奪非志也夫志也者非徒志也志道也春秋傳曰吾志其曰蓋有主之矣徐君請焉作志道堂銘維民利生天

江都縣志

卷之十六

古蹟

六

地自然利王功帝權海斂山明道計功先民有言淮海維揚有美一人抑功明道維柱史君曷明曷道修政立教肇開兩院斯文有作或謀廣野或處城府或開或闔或守或悟或以藏修或以鼓舞恢恢厥堂志道孔章何名志道聖謨洋洋斯道何道自觀我生自求自得自昭自明維天之命維人之常於維宣聖十五有定以茲而立不感知命耳順從心初志斯正如彼射者志目弦應如猫捕鼠而視不瞋如木斯根如木斯源以達四海以參高曼志之志之倚衡參前學問思辯篤行其先勿志勿助有廓其門其門維何不少不多有事無事大中至和何謂中和毫末莫加千里之認毫釐之差早辨爾志執正執邪

平野軒見元倪瓚清閼閣集有圖并系以詩云在揚州

郭外

倪瓚詩雪筠霜木影參差不平野風烟望遠  
時回首十年吳苑夢揚州依約鬢成絲

居竹軒元末成廷珪隱居廣陵植竹於庭院間因扁其

燕息之所曰居竹軒自題一絕云定居人種竹居定竹

依人新筍甜於肉長竿健似身

苜蓿齋在儒學內明嘉靖中訓導歐大任建自為文以

記之記云嘉靖丙寅六月歐子赴江都學官秋冬之際始於解之西葺埋小齋讀書於其中齋後有園地

皆磽确雜以瓦礫雨後盡種苜蓿因題曰苜蓿園客嘗

也乃亦以苜蓿名齋諸生進而問曰先王豈樂於斯耶

歐子曰余亦從心所樂爾夫心未始有物也及其障之

若塵勞之若絲沈之若溺昏之若迷者競於利欲者也

在昔先民土鼓汗尊元羹越席豈不澹然足哉五色既

章五聲既和五味既齊詎知夫淫靡奢麗之由諸此遂

不可隄防乎雲委波蕩至於今極矣巧宦之士售尺寸

之勞以奸爵祿闖巷之子擁金帛之富以踰典章孰肯

澹泊其心於以居身而正性命哉夫齊國千乘或不可

擬於首陽之餓夫而監門執戟之吏豈奴隸於金張許

史之門者耶余幼習章句急於功名顛躓者累矣長而

幸聞父師之教惟恐失墜敢忘其顛躓之憂而競大榮

觀之望舍吾素位之樂而汨吾澹泊之心乎且希炎而

江都縣志

卷之十六 古蹟

九

慕赫者曲士之趨也安心而俟命者哲人之守也祿可

以養親苟有所忝焉即三牲五鼎不足以為孝况沈沈酬

於利欲以自奉其身卑焉甚矣二三子曷不求余心之

所樂耶諸生曰願先生識之歐子唯唯因書其語於壁

嗟夫斯苜蓿也其始委土之箴規斷畧之

師保也哉是歲之十月望嶺南歐大任記

芝室宋秦觀芝室記河南張倪老既以其父宣義君命

奉其母彭城君之喪殯於廣陵石塔佛舍遂與其

弟曼老冲老廬於殯側數月有芝生於廬中余聞而謁

觀焉蓋附土而出者數本其色正赤澤而堅悍若傅髹

形余撫而歎曰天下之物固未有易詰其所以然者夫

濡雨露而生被霜雪而死下芟而上蔓者草之常性也

今芝亦草耳而孝士大夫之家則生賢諸侯之國則生

明天子之世則生徙之不可蒔之不能豈所謂未易詰

其所以然者歟有浮屠聞而笑之曰是不然天下之物

皆吾心也心之本體明白空洞實無一毫可得而有惟

其覺真蔽於塵幻由是清激而升者為想濁汚而墮者

為情夫情想之於心猶珠鑑之有影像江海之有浪漚

形固具存非其本矣故無窮如虛空有物如天地爰逮

日月斗星金石草木之屬凡悅可於吾心意者皆善想

之所變而憎惡於吾耳目者皆惡情之所生也吾聞彭城君承其先夫人之齒五日而以毀死諸子廬於殯側刺血書經哀動道路善想交感室爲生芝異於凡草理固然矣其又奚疑若夫善惡畢寂情想究空芝於此時瑞爲何物已而歎曰奇哉吾不能以告子矣余未嘗讀佛書固不知所論中否然竊怪其語宏博瓌奇信有足觀者明年張氏兄弟服除而歸廣陵十大夫因號其廬曰芝室懼來者之不知也而屬余爲記余旣論次其事遂追疏浮屠之語而并載之倪老名康伯以召試中選今爲南都教授曼老名節孫前參海寧軍冲老名康道云

**孔融宅**舊志云城東有高士坊相傳爲漢孔融故宅唐李德裕金松賦序謂松得於廣陵孔北海故臺賦內有云訪孔子之舊宅

**呂僧珍宅**僧珍梁建武時人世居廣陵其宅前有督郵

江都縣志

卷之十六

古蹟

二十

解僧珍旣貴時人或勸其徙解以益宅僧珍不從相傳其宅在州市北今莫考

**高歡宅**舊志有高歡宅北史齊神武在魏朝從爾朱榮徙據并州抵揚州邑人龐蒼鷹家其母夜見歡所止團焦上赤氣屬天因厚遇之按廣陵在宋齊俱屬南朝未嘗入北至北齊天保三年梁有侯景之亂文宣遣辛術南伐始得廣陵地改南兖州爲東廣州亦未有揚州之名北魏揚州當在壽春非今廣陵也舊志載歡附辨以質考古者

誤

**淳于棼宅**唐李公佐南柯記云淳于棼家居廣陵郡東

十里宅南有古槐一株芬嘗夢槐安國王召尚金枝公

主大獵靈龜山出守南柯郡爵邑寵貴二十年及覺乃

悟入古槐蟻穴耳宋陳造書南柯太守曲後詩門前車馬競飛馳等是槐安未寤時何似阿

憐歌此曲一厄隨分得伸眉竹葉舟前客念家慈雲

甕裏事如麻而今不笑檀槐戰笑汝研桑了歲華國

朝宗觀詩紫衣綠髻事如何滿眼豪華一枕過賺得世

人心力盡紛紛醒裏憶南柯王賓詩沈醉何因臥綠

槐南柯領郡展雄才廿年仕宦身應老誰識淳于一夢

回吳綺調醉落魄詞紫衣催赴金貂幾載槐安路無

端失勢成驚寤許大功名一葉播秋露飄零我亦揚

州住南柯却恨無尋處當時莫怪讒夫怒本是螻蟻豈

不將人妒

王播宅江都地圖有王播宅在江中瓜洲上按播先世

太原人父恕為揚州倉曹參軍遂家江都之瓜洲唐王播遊

江都縣志

卷之十六 古蹟 三

瓜洲故居感舊詩昔年獻賦去江湄今日行春到却悲

三徑僅存新竹樹四鄰惟見舊孫兒壁間潛認偷光處

川上寧忘結網時更見橋邊記名姓始知題柱免人嗤

李德裕和王播遊故居感舊詩千騎風生大旆舒春

江重到武侯廬共懸龜印銜新綬同憶鱸庭訪舊居取

履橋邊啼鳥換鈞璜溪畔落花初今來却笑臨邛客入

蜀空馳使者車許渾和淮南王相公與賓僚同遊瓜

洲別業題舊書齋詩碧油紅旆想青衿積雪窻前盡日

吟巢鶴去時雲樹老臥龍歸處石潭深道旁苦李猶垂

寶城外甘棠已布陰賓御莫辭巖下醉武丁高枕待為

李相國藩宅盧肇逸史云唐李相藩嘗寓東洛年近三

十未有宦名挈家往揚州居於參佐橋數年張僕射建

封鎮揚州奏為巡官校書郎

功曹王遡宅乾膜子云唐建中三年揚府功曹王遡宅

在慶雲寺西有賣卜女巫包九娘者過之曰可賣此宅如言貨之得錢十五萬又令於河東就一宅買竹作麤籠子不計其數明年春連帥陳少游議築廣陵城取邇舊居僅給半價又賣運土竹籠計積資七八萬遂買河東宅焉

蕭慶中宅唐盧仝蕭宅二三子贈答詩序云蕭才子修文行名聞將遷家於洛賣揚州宅未售玉川子客揚州騎旅識蕭遂館其未售之宅

顏太師猶子宅唐李德裕金松賦序云廣陵東南有顏太師猶子舊宅其地則孔北海故臺

江都縣志

卷之十六

古蹟

三

崔秘監宅

唐溫庭筠過揚州崔秘監舊宅詩昔年曾識范安成松竹風姿鶴性情唯向舊山留月色

偶聞幽澗似琴聲乘舟覓吏經輿縣為酒求官得步兵玉柄寂寥談客散却尋池閣淚縱橫

張司空宅稽神錄云揚吳張司空宅在廣陵證聖寺之南司空失其名

袁可鈞宅蜀袁可鈞隨孟昶入朝宋藝祖授以洪衛將軍賜宅揚州

驃騎宅驃騎不知何許人見元宋无揚州卽事詩注見前鴈行樓下

郝氏園

唐方干旅次揚州郝氏園詩舉目縱橫非我有思量似在故山時鶴盤遠勢投孤嶼蟬曳殘聲過別枝涼月照窻敲枕倦澄泉遶石泛鶻遲青雲未得平行去夢到江南身旅羈

席氏園在南門外宋時改爲寺名靜慧園

朱氏園宋王觀芍藥譜云揚州朱氏園芍藥最爲冠絕  
南北二圃所種幾於五六萬本當花盛開飾亭宇以待  
遊者逾月不厭

苜蓿園在儒學內明嘉靖中歐大任築注見前苜蓿齋  
下

郡圃寶祐志畧云唐開元間揚州太守園中有杏數十  
畷開時大宴立館曰爭春元和中李夷簡於城之西南  
建亭曰玉鈎咸通中李蔚鎮淮海於戲馬臺西連玉鈎  
斜道葺亭曰賞心以爲勝游之地宋元祐間韓琦於郡

江都縣志

卷之十六

古蹟

三

圃建堂曰四井壯麗極一時陳升之又建雲山閣於城  
之西北隅歲久閣圯淳熙間鄭興裔撤玉鈎亭增而大  
之命名雲山觀慶元中趙鞏始以杏花邨重建堂取韓  
公舊名扁之而後之刺是州者率以邊務倥傯廢而不  
理如柳徑菊坡靜境皆無復存寶祐二年大使賈似道  
鎮淮之五年邊鄙不聳增陂浚隍靡一不具乃以餘力  
復雲山觀於小金山初教場倚山之右狹隘不足以展  
軍容因徙置州治之北以便日閱而雲山觀之規始不  
相病自州宅之東歷繚墻入可百步有二亭東曰翠陰  
西曰雪薌直北有淮南道院後爲兩廡通竹西精舍焉



後有小阜曰梅坡上葺茅爲亭曰詩興坡之東北隅有亭曰友山循曲徑而東望飛檐雕楹縹緲於高阜之巔是爲雲山觀於池上爲露橋以度橋之北翼以亭曰依綠南有小亭對立曰絃風曰簫月又百餘步始躡危級而登雲山其下爲沼深廣可舟山之趾二亭曰濠想曰剡興釣磯在其南砌臺在其北水之外爲長隄朱闌相映爽以垂柳閣於南爲面山亭於東曰留春曰好音於西曰玉鈞曰駐屐觀之直北畫棟層出者爲淮海堂其東鉅竹森然亭其間者曰對鶴又東有道院曰半閑堂堂之後爲複道而升與雲山並峙可以眺遠者爲平野

江都縣志

卷之十六

古蹟

十四

堂春日卉木競發揚之游觀者不禁春盡乃止又名勝志云宋慶歷初有郡丞刁君者於郡圃構新園亭王安石爲之記按郡圃屢易其地今分江甘二邑舊址亦所

分隸專附江都者從其始也

宋王安石揚州新園亭記諸侯宮室臺榭講軍實容

俎豆各有制度揚古今大都方伯所治處制度狹庫軍實不講俎豆無以容不以備諸侯哉宋公至自丞相府化清事省喟然有意其闢之也今太常刁君實集其意會公去鎮鄆君卽而考之占府乾隅夷蕩而基因城而垣並垣而溝周六百步竹萬个覆其上故高亭在垣東南循而西三十軌作堂曰愛思道僚吏之不忘宋公也堂南北鄉袤八筵廣六筵直北爲射埒列樹入百本以翼其旁賓至而享吏休而宴於是乎在又循而西十有二軌作亭曰隸武南北鄉袤四筵廣如之埒如堂列樹以鄉歲時教士戰射坐作法於是乎在始慶歷二年十二月某日凡若干日卒功云初宋公之政務不煩其民是役也力出於兵財資於官之饒地瞰於公宮之隙

成公志也。意揚之物與監東南所規仰天子宰相所垂意而選繼乎宜有若宋公者丞乎宜有若刁君者金石可弊此無廢也。

崔氏別墅在城西元末崔原亨所居成廷珪詩居竹軒中也自寬不然無

地著琅玕文公胸次空千畝許洞門前只一竿天與老夫醫惡俗日憑童子報平安崔家別墅尤高致遲子歸來守歲寒

影園在城南明職方鄭元勳別業也崇徵庚辰夏園中

黃牡丹盛開名流滿座同賦七言律詩至數百首元勳

糊名易書緘送虞山錢謙益評次錢以南海黎遂球所作十首為第一元勳製二金觥內鐫黃牡丹狀元字贈

遂球一時播為佳話明萬時華寄題影園詩聞君卜築帶高城鷗地鳧天各性情畫裏垂

江都縣志 卷之十六 古蹟 三

楊兼水淡酒邊明月為樓生踏殘芳草前朝影吟落官

梅獨夜聲一自瓊花蕭索後此中花事屬康成 梁于

淡詩裁製溪山愜野情小亭虛閣散餘清繼通漁艇疑

仙路深鎖丹樓望化城花鳥午莊憐獨往詩書鄴架笑

浮名閑居回首風塵裡愁殺江南阮步兵 丁孕乾詩

秋氣遙生曲逕松溪橋課酒石留蹤傳更未至魚先覺

簡字雖勤鶴易供三絕從來歸鄭子一毛今復見超宗

誰開水國經千里却借名園作附庸 范景文立秋日

過影園詩恰當勝地又佳時暑去人來月與期空水亭

為開面目新秋柳亦競腰肢園摹畫格形生影妙解歌

情肉並絲囑語蕭蕭翻別調登臨無事更傷離 黎遂

球影園黃牡丹詩 采巫雲夜色祥三千叢裏語君王

月華照露凝仙掌粉汗更衣染御香舞傍錦屏紛孔雀

睡搖金鎖對鴛鴦何人見夢矜男寵獨立應憐國后妝

宮額亭亭廿四橋披離新柳亂春朝柘枝拍待鶯喉

轉杏子衫勻蝶翅消酒半倚闌浮琥珀風前騎鶴報笙

簫嫦娥桂殿堪同伴貯艷還從覓阿嬌 寵詔封泥第

一枝賜袍簾外拜恩時春風律應清平調夜雨香留絕

妙詞天上有機遙織譜河陽無影謝流澌金壘玉瓊交

攜醉任是蜂狂總未知 特買長門作賦才守宮砂盡

故徘徊燕銜落葦塗金屋鳳蝕殘釵化寶胎三月繁華  
春夢熟六朝芳草暮霞唯上尊今賜詞臣閣邀賞酒傳  
入駿來 梔子同心綴纈斜融融宵露濕塗鴨潘郎奇  
署迷新省姚姒閑妝見舊家解佩臨風疑橘柚鬱輪凝  
碧怨琵琶微取別有閑情賦猶記秋容認菊花 掖庭  
昏靄怨春歸叠拍匡牀悵望稀窺浴轉愁金照服割盟  
須記赭留衣梳成障馬泥拖障夢起徵蘭粉更肥誰借  
橋媒生羽翼可憐鴻鵠已高飛 花陣縱橫紫翠重木  
蘭余甲繡盤龍團圓月照蓮心苦廿四風圍柳帶鬆涿  
鹿戰場雲結幟殺城兵法怒蟠胸嬌嬈亦有王侯骨一  
笑功成學赤松 誰寫春容出塞看塵沙漠漠照襟寒  
扶來更學靈妃步睡起羞爲道士冠鎖骨傳燈開五葉  
鞠衣持繭獻三盤相思莫是朱成碧燭淚何曾蠟暈乾  
憔悴西風夢不成娉婷相見在春城微場九錫傳花  
瑞隱語雙文贈鳥名寶鏡背懸交吐焰索鈴初護盡無  
聲看多怕有香塵上出浴依然媚晚晴 天寶何因爲  
改元尚憐芳影浸泉溫不同金鑑留丞相多恐玉環蒙  
至尊朱紫故宜當日賤衣裳能得幾時恩揚州芍藥看  
前事勲業綸  
屏并爾存

江都縣志

卷之十六

古蹟

三

附舊志所有古蹟今分屬甘泉境內者

邗溝城

在城西四里蜀岡上左

輿縣城

在城西四十

都地

張公城

在城西四十里漢廣陵賊張嬰築太守

置 張綱單騎造其壘示以恩信嬰降城以

綱得名謂

新城

在城北十八里晉謝安出鎮

廣陵縣

之張公城

合瀆渠城

在城東北十

周小城

在故

城在城北十八里劉宋時置

寶祐城

在城西北七里

南隅周韓令坤以故城大而

寶祐城

在城西北七里

難守別爲小城以治之也

平山堂城

宋

也舊名堡城宋寶祐中賈似道奉詔築

平山堂城

咸

易名寶祐又築新寶城相連謂之夾城

望樓於上張弓弩以射城中因築城包之

隋江都

宮

在城西七里大儀鄉又有歸雁回流松林楓林大

長阜

楊行密宮

在舊子

元鎮南王宮

在城西北六

苑內

成

**象殿** 大業雜記云隋大業二年煬帝御成象殿 **水精殿** 隋煬帝置在江都宮內 **章武**

**殿** 在城北建隆寺內宋太祖征李重進以御營建寺所御之榻留焉後僧徒因建章武殿且請降太祖

御容奉 **隋苑** 在城西北九里大 **長阜苑** 在城北五里其中儀鄉一名西苑 歸雁回流等

十宮皆 **螢苑** 在西苑南三里考隋書大業十一年煬帝至東都十二年五月於景華宮徵螢

火數斛夜出遊山放之七月始幸江都據此則螢苑不在江都矣然唐杜牧揚州詩有秋風放螢苑之句

唐去隋未久 **甲仗樓** 在步邱新城 **文選樓** 在太平橋未必傳譌也 晉謝安建

忠 **迷樓** 在城西北七 **鳳凰樓** 在廣北鄉鳳凰池側隋煬帝建 **摘星樓** 寺 在城西北名勝志云寶祐城樓即故摘星樓也 **騎鶴**

在城西北一覽可盡賈似道置額曰三城勝處 **樓** 在府治東 **佳麗樓** 在大市東 **皆春樓** 在開明橋西

宋賈似道重 **籌邊樓** 宋郭棣即故 **鎮淮樓** 北門城樓建易名皆春 城遺址建 也宋時建

江都縣志 卷之十六 古蹟 七

**瞻雲樓** 在大東門外元鎮 **明月樓** 在舊城內東北大街南王父阿只建 街元趙子昂題云

春風闌苑三千客 **彭城閣** 隋煬帝建舊為彭城 邨因其地以名閣 **雲山** 明月揚州第一樓

**閣** 在城西北隅宋陳升之建鄭興裔撤玉鈞亭增 **吳** 大之名雲山觀賈似道復建雲山閣於小金山

**王鈞臺** 在城北十二里雷陂 **弩臺** 在城西北四里劉漢吳王鼻鈞臺也 宋沈慶之攻竟陵

王誕築臺以弩 城中故名弩臺其後陳吳明徹圍 北齊東廣州刺史敬子猷增築之亦以射乘堞之士

故又號吳公臺又名雞臺隋煬帝 **吹臺** 在城北劉宋 夢中恍惚與陳後主遇即此地也 徐湛之建

**鬪雞臺** 或云即吳公臺唐杜牧揚州 **摘星臺** 在摘星 詩春草鬪雞臺蓋指此也 樓後

**戲馬臺** 宋陳后山詩話云廣陵有 **崑邱臺** 在禪智 戲馬臺其下路號王鈞斜 寺側 月

**觀風亭** 在城北劉宋 **新亭** 在蜀 **木蘭亭** 在九曲池 徐湛之建 同上 隋煬帝建

**摘星亭** 在摘星 **水亭** 城北隅唐獨孤及建後徐 樓後 知誥夜引宋齊邱秘謀於此 賞

**心亭** 在戲馬臺下 **九曲亭** 宋藝祖駐蹕蜀岡有龍關

事 **波光亭** 卽九曲亭宋周濬重建易名波光後廢 **竹**

**西亭** 在禪智寺前宋向子固易名 **春貢亭** 蜀岡有茶

茶皆出於此 **無雙亭** 在城東蕃釐觀內宋歐 **美泉亭**

上有春貢亭 **斗野亭** 在邵伯鎮梵行院側宋熙寧中建紹

宋歐陽 **玉立亭** 在后土祠內宋崔

間崔與之改題曰江淮要 **竹心亭** 在借山亭下

詩 **借山亭** 在九曲池宋馬仲甫 **環碧亭** 在小

宋吳企 **勸耕亭** 舊在府治淮海堂後宋

中建 **流珠堂** 在江都宮 **時會堂** 在蜀岡上

宋賈似道卽其 **正覺堂** 在禪 **觀稼堂**

址建雲山閣 **鎮淮堂** 卽芍藥

之 **平山堂** 在蜀岡上宋歐陽修守郡時建稱

所 **江都縣志** 卷之十六 古蹟 天

翠華臨幸有 **清書堂** 在縣治內 **董仲**

賜御書扁額懸堂內邑人汪光祿應庚撤前後鼎新之

益成勝境轉通使 **谷林堂** 在大明寺 **觀稼堂**

尹會一爲之記 **鎮淮堂** 卽芍藥

州使宅內宋 **正覺堂** 在禪 **觀稼堂**

向子固建 **正覺堂** 在禪 **觀稼堂**

在小 **平野堂** 宋賈似道卽觀 **董仲**

金山 **平野堂** 宋賈似道卽觀 **董仲**

舒宅 仲舒爲江都王相 **謝安宅** 安鎮廣陵所居後爲

祠 **來護兒宅** 北史來護兒家廣陵白土 **楊行密宅** 唐

行密爲淮南節度使僭稱吳王治宮闕遂以故宅施

爲僧院宋寶祐志云堡城光孝院卽行密故宅也

**徐知誥故第** 知誥爲淮南節度行軍副 **李評事宅** 稽

錄云南唐李令評事築 **呂觀文宅** 寶祐志云法雲寺

室於廣陵法雲寺之西 **呂觀文宅** 地爲呂觀文宅墨

莊漫錄云揚州呂吉甫觀文宅乃晉鎮西將軍謝仁

祖故宅也在唐爲法雲寺按法雲寺本太傅安宅此

云仁祖未

知孰是

茶園 在蜀岡上宋

壺春園

在大市東

萬花

園

在堡城宋趙葵

偕樂園

在廣儲門外梅

芍藥圃

在

智寺前又有芍藥廳在使院內

宋向子固建芍藥壇郭杲建

江都縣志

卷之十六

古蹟

无

